

Yùwanì andí wemberè tí bhàrwà

Yàrí bhàrwà ò ì nòtù ádròdrò dhu tí dhu

Yàrí ní wemberè tó bhàrwà yà Yèsù bhà uvitatále Yùwanì núundí ìbhù bhàrwà nzínzi ǒ. Kúndí abádhí mbèmbè àrùgyètdí kumì atò nùdà Yèsù ka kùgù dhu-dzidǒ rórò. Kándí yà ɔvòna arí ì dòná Yèsù Krístò bhà Ídzi Màkùrù mà átò. Ndirò ka kirè nga kà randí ndi Upfòta tó bhùkù.

Yà wemberè tó bhàrwà nófò ndì Kàgàwà bhà ɔte ùno ka kí indrù tò dhu nà. Yùwanì náandí ka Àziyã-Ngba tó pbìrì, yà Tùrùkiyà tí ka karí àtina kòmbí ǒ pbàkrístò tò. Ì pbàkrístò níri nzá ì nzínziya ǒ ndì màkùrù àlù dòya tí dhu dǒ. Ní atdídhéná ale núuvò fíyò kànìsà ò rò 'òwù. Ngùkpa ale náadù òngo tìtò tó màlímó tí, 'àmbe pbàkrístò àbhù dǒ tsiya ràva ì nzínziya ǒ. Ì màlímó nóowúnà 'ùvo rǒ ìnzí 'à'ù Yèsù Krístò angò indrù tí dhu. Ndirò, abádhí nóowúnà 'ùvo rǒ ìnzí 'òzù ka Kàgàwà t'Ídhùnà tí (2.22; 4.2-3; 5.10). Abádhí náagò nzérenгатále tí ì í'ì dhu (1.8; 3.7-10), ìnzí 'àdù àzè nitè fíyò nzínziya ǒ (2.9-11; 3.14-15; 4.20-21).

Yùwanì azè ndòvò ìbhù dhu pbìndà bhàrwà ò: kàzè ndàbhù pbàkrístò mà nzínzi ǒ rí'ì Kàgàwà Àba mànà írìta ràbà ɔbì. Ndirò kàzè pbàkrístò nzínzi ǒ rí'ì tsí ràbà ka átò. Kàzè átò dhu ní, ndàbhù sedzà pbàkrístò tò ròkò yà Yèsù Krístò ndìtìrò nyú nala, 'àdù kà rùnoa dhu nyú níri ale rùdhèna fíyò dhu ìfù ì í ró tí.

Bhàrwà-nyìtì ka kóhù tí dhu

- **Bhàrwà**-dòkpa (1.4).
- **Awáwù** mà ínò mànà (1.5-2.29).

- Kàgàwà bhà inzo mà pfɔmvɔ Sitanì bhà-tsí mànà nzínzì-ŏnga nútu dhu (3.1-24).
- Obhóná pbànábí mà títò tó pbànábí mànà (4.1-6).
- Ìndrű àkă 'òzè ì òzè tí nzínziya ŏ, Kàgàwà ózè ì atdíđŏ nídhunĭ (4.7-21).
- Mùlè mà tó a'uta (5.1-21).

Ípìrŏnga tó Ɔte

(Yùw 1.1-14; 1Yù 5.11-13)

¹ Ma mí yà dhu nándí fűkű, Ípìrŏnga tó Ɔte-okú dò rò. Ndi Ɔte ní'ì inè kóró dhu-tsí rĭ 'òpè rò. Ndi Ɔte mă miri ngűkpà ɔdhídu uvitatále mànà, mǎdù àlanà nyìkpóka nyú nĭ. Ndirò mă mandà ka, mǎdù ngbŏna ùlu ɔtsúka nyú nĭ. ² Obhó tí, ndi Ípìrŏnga náavì ndi ìndrű tò, mǎdù àlanà. Ní ndi dhu-okú dò rò, mă ní ndi dhu tó ngàmbì, ndirò mă mí dhòdhóhonga tó Ípìrŏnga, yà Àba Kàgàwà-tí'ò ì'ì òvo fűkű. Ndi Ípìrŏnga ní ndi yà ndi nitè fǎkà. ³ Ní wò mă mala, mǎdù ìrìnà dhu òvo mă mí átò fűkű, ndínĭ àlě kungbò tí àlě atdíkpá nyĭ mànà. Wò ndi àlě tó ungbòta rĭ àlě àbhű àlě rĭ'ì atdíkpá Àba Kàgàwà mà Idhùnà Yèsù Krístò mànà. ⁴ Ní, mă mí wò dhu àndí fűkű ndínĭ àlě tó dhèdhe náaká tí bhùnà ŏ.

Kàgàwà ní Awáwù dhu

(Zàb 32.1-5; Mbà 28.13; Èfe 5.8-14; Tit 2.14)

⁵ Kànĭ yà Yèsù Krístò-tsubě mă miri dhu. Ndi dhu ní ndi yà mă móvɔna fűkű. Kǎti: «Kàgàwà ní awáwù. Ní ìnò arĭ'ì mbà akèkpá mǎtí kà-nyutsi.» ⁶ Àlě kapé àtina iwà àlě rùngbò àlě Kàgàwà mànà, àlě ràdù ì'ì inè ìnò ŏ àlě kúbhi ró, ní àlě ní tìtòtále, ndirò àlě kónzina dhu ní nzĭ obhóna. ⁷ Pbétù, àlě kapé àmbe ùbhi đŏ awáwù ŏ, àdhàdhì Kàgàwà narĭ awáwù ŏ arádi ale dhu bhěyi,

ní àě kùngbò wà àě àě nzínzi ǒ. Ndirò ndi Kàgàwà t'Ídhùnà, Yèsù-azù nú'o wà àě kóró àě tó nzéřnga ǒ rò, àě rìlǎ Kàgàwà-nyìkpó ǒ.

⁸ Àě kapé àtina ìmbǎ àě rǎrǎ nzeręnga nà, ní àě kùtrǎ wà àě àlětírò, ndirò obhónga rǎrǎ mbǎ àě-nyutsi. ⁹ Àě kapé àě tó nzéřnga òvò křangba Kàgàwà-ònzǎ, ní kà rǎdù àě tó nzéřnga nùbà, ndàdù àě ù'o àě rìlǎ nyìkpóna ǒ. Obhó tí, àbadhi ní yà ndi ndùnò dhu nífǔ arí ale, ndirò ka ní Obhónángatále. ¹⁰ Àě kapé àtina ìnzá àě rònzi nzeręnga, ní àě kòzù wà Kàgàwà tìtò-ba tí, ndirò kabhà ote rǎrǎ ìmbǎ àě-afí ò.

2

*Yèsù ní ndi àě dǒ arí ndùgye àvùkǎ dhu
(Yùw 13.34-35; 14.21-24; 15.12-14)*

¹ Pbanǎnzó, ma màndí yà dhu fùkù ìnzǎ nyǎ nyòzi tí nzeręnga. Pbétù, atdí ale mà náapé nzeręnga ònzi, ní àě kíì inè àě dǒ rí ndùgye àvùkǎ nà, Àba Kàgàwà-tí'ò. Ndi ale ní Yèsù Krístò, Obhónángatále. ² Ndirò, àbadhi abhù ndi nditírò, ndòvè perè tí, ndínǎ Kàgàwà ubà tí àě tó nzeręnga. Kǎvè nzá àě tó nzeręnga-okú dò rò tí, pbétù kǎvè yà adzi ǒ kóró ale tó nzeręnga-okú dò rò átò.

³ Àě kapé Kàgàwà bhà Ƴyátá nífǔ, ní àě kùni wà Kàgàwà. ⁴ Atdí ale náapé àtina: «Iwà ma múni Kàgàwà», pbétù ìnzǎ ndàdù kabhà Ƴyátá nífǔ, ní ndi ale ní tìtò-ba. Ndirò obhónga rǎrǎ mbǎ kà-nyutsi. ⁵ Pbétù, Kàgàwà bhà Ƴte nóvò arí mběyi afína ò ale ní ndi Kàgàwà nózè àkǎkǎ dhu bhěyi ale. Wòrí ní ndi àě kádù Kàgàwà mànà àě kùngbò àě dhu ùni róná dhu. ⁶ Ndi ale náapé àtina iwà ì rúngbò ì Kàgàwà nà, ní ndi ale àkǎ ndùbhi yà Yèsù ubhì dhu bhěyi.

Ʋyátá ɔwútá

(Màt 6.24; Ròm 12.2; Yàk 4.4)

⁷ Ɖdhídù, yà atdídò ma mózè nyí rò, yà ma mándína fùkù Ʋyátá ní nzí Ʋyátá-ɔwútá. Pbé̀tù, ma mándína fùkù dhu ní Ʋyátá-ayí. Ka ní yà dònà-kpa ò rò nyí nyabà, ndirò yà iwà nyí nyiri Kàgàwà bhà ɔɛ. ⁸ Ngátsi otu ɔ, yà ma mándína Ʋyátá ríí àdhàdhì Ʋyátá-ɔwútá bhèyi. Ndi Ʋyátá tó obhónɡa návi ndì Yèsù Krístò-nyutsi, ndirò nyukutsi màtí átò. Obhó tí, kòmbí ínò ríí ùda ndì ndúda ró, awáwù nyú ràdù ndòpè ndàwù nga. ⁹ Atdí aɛ náapè ndàtí awáwù ɔ ndì ndíí dhu tí, pbé̀tù ndàdù ìí inè ɔdhìna ndì ndóndrò ró, ní ndì aɛ ríí inè ínò ɔ kòmbí màtí. ¹⁰ Ɖdhìna nòzè aɛ ríí awáwù ɔ, ndirò ìndrú àbhù rí ròtsù nzéɛnga ò dhu ríí ìmbà kà-nyutsi. ¹¹ Pbé̀tù, ɔdhìna nòndrò aɛ ríí ínò ɔ. Kǎrúbhi ínò ɔ, ndirò kùni nzá àdhà màtí ndì ndàrà dhu, ínò ìtí kà-nyínga dhu-okú dò rò. ¹² Pbànǎnzó, ma mí dhu àndí fùkù, Kàgàwà úbà wà fùkù nzéɛnga Yèsù-ɔvò-okú dò rò nídhuní. ¹³ Abádù, ma mí dhu àndí fùkù, iwà nyí nyúni yà inè ìí dònà-kpa ò rò kóró dhu-tsí rí 'òpè rò aɛ dhu-okú dò rò. Zàdhà, ma mí dhu àndí fùkù, iwà nyí nyónzì wò Nzéɛ-aɛ-akpà lèmə nídhuní.

¹⁴ Pbànǎnzó, ma mí dhu àndí fùkù, iwà nyí nyúni Àba Kàgàwà dhu-okú dò rò. Abádù, ma mí dhu àndí fùkù, iwà nyí nyúni yà inè ìí dònà-kpa ò rò kóró dhu rí 'òpè rò aɛ dhu-okú dò rò. Zàdhà, ma mí dhu àndí fùkù, obi nà nyí nyíí dhu-okú dò rò: Kàgàwà bhà ɔɛ ríí afíku ò, nyàdù Nzéɛ-aɛ-akpà lèmə nónzì. ¹⁵ Nírò, àpé nyòzè yà adzi, ndirò àpé nyòzè kà ɔ ríí dhu-tsí. Ndi aɛ náapè yà adzi òzè, ní ndì aɛ nózè nzá Àba Kàgàwà. ¹⁶ Obhó tí, yà adzi ɔ ríí kóró dhu-tsí núvò nzá Àba Kàgàwà bhà rò, pbé̀tù ì dhu-tsí núvò yà adzi ɔ rò. Ì dhu-tsí ní, aɛ-ngbò òzè dhu-

atdyú òho ka kí atdíđ dhu, àlă ka kàla dhu-atdyú òho ka kí kabà dhu, ndírò ongyéngá-okú dò rò ka kí ale òyò dhu. ¹⁷ Yà adzi mà, òná kóró dhu-tsí yà ìndrú arí atdyúya òho màna rǔda ǔda. Pbétù, Kàgàwà ózè dhu ònzi arí ale náráđi dhòdhóhonganà.

Nyòdo nyǎ Krístò bhà òmvǔ rǔ rò

(Yùw 1.12-13; 16.13-15; Ròm 8.14-19; 1Yù 4.1-6; 5.18)

¹⁸ Pbànǎnzó, yà adzi ò dhu-tsí rǔ ndòdì òná idho níndù wà ndì. Nyǎ nyiri wà dhu, Krístò bhà òmvǔ rǔrǔ ìrà ndì ndírà ró. Ní kòñ Krístò bhà òmvǔ núnyà wà ì abho nyú kòmbí. Ní àlě kùni wà dhu, kàrí idho rǔrǔ yà adzi ò dhu-tsí nyú rǔ ndòdì òyá idho. ¹⁹ Kǒkò i ale núvò àlě nzínzi ò rò tí, pbétù abádhí ní ìnzǎ àlě t'ódhína nyú. Obhó tí, abádhí ní ìyana gukyè àlě t'ódhína nyú tí, ní abádhí ókòyana atdíkpá àlě màna. Abádhí ǔbhà àlě, ndíni dhu nitè tí kpanya ìnzǎ rǔrǔ ì àlě nzínzi ò ale.

²⁰ Pbétù nyǎ, nyǎ nyábà wà Krístò ábhu fǔkù Kàgàwà bhà ìlǎ-Alafí. Ní nyǎ kóró, nyǎ nyùni wà obhóna. ²¹ Ma màndí nzá dhu fǔkù ìnzá nyǎ nyùni obhóna dhu-okú dò rò. Pbétù ma màndí dhu fǔkù, iwà nyǎ nyùni obhóna dhu-okú dò rò. Ndirò nyǎ nyùni wà dhu, ìnzǎ tìtò tó atdí dhu mà rǔrǔdù àhu obhóna ò rò.

²² Tìtò-ba ní àdhi? Tìtò-ba ní yà Yèsù àgò arí ndàtì ìnzǎ ní Krístò tí ale. Kòñ ndi ale ní ndi Krístò bhà òmvǔ. Kǎrí Àba Kàgàwà mà, Idhùnà Yèsù màna nágò.

²³ Obhó tí, Kàgàwà t'Ídhùnà nása rí ìngbatí ìli ndì ale mà, nása wà Àba Kàgàwà átò. Ndirò, ndi Kàgàwà t'Ídhùnà nà'ù ale, ná'ù wà Àba Kàgàwà átò.

²⁴ Nírò, yà dóna-kpa ò rò nyǎ nyiri òte náká ndàdi afíkù ò. Wò ndi dóna-kpa ò rò nyǎ nyiri òte náapè àdi afíkù ò, ní nyǎ átò nyǎ nyóko òko Àba Kàgàwà mà, Idhùnà

Yèsù mànà ò. ²⁵ Ndirò, kànǎ àlě tò Krístò akò làká: ndi làká ní dhòdhòdhóngà tó ípìrǒngà.

²⁶ Ma màndǐ wò dhu fǔkù kǒkò nyǐ nózè 'ùtrǎ aɛ-okú dò rò. ²⁷ Pbétù nyǐ, yà Krístò írá nyǐ nǐ ìlǐlǎ-Alafí rǐ'ì ìnè ùkù. Ní ndi dhu-okú dò rò, nyǐ nyǐ'ì mbǎ ùdhě tí ka kí dhu ùdhě fǔkù dhu-atdyú nà. Obhó tí, Kàgàwà bhà ìlǐlǎ-Alafí arí kǒrò dhu ùdhě fǔkù. Ní wò kǎrúdhěna fǔkù dhu ní obhó dhu, ìnzǐ ní tìtò. Ní, dhu àkǎ nyòkò Krístò mànà nyǐ nyúngbò nyǐ rǒrò, àdhàdhì ìlǐlǎ-Alafí núdhe ka fǔkù dhu bhěyi.

²⁸ Ní kòmbǐ pbànǐnzó, dhu àkǎ nyòkò Krístò mànà nyǐ nyúngbò nyǐ rǒrò, ndínǐ Kà rǐtsi ìngo nínganǐ, àlě kí'íya tí mànzǐ nà, ndirò ìnzǐ àlě-nyè adùya tí iwu Kǒnzǐ-tsu ò. ²⁹ Nyǐ nyapé dhu ùnǐ Krístò rǎrǐ obhónángatáɛ, ní nyǐ nyàkǎ nyǐni dhu ní, obhónánga ònzǐ arí ìngbàtí ìlǐ ndi aɛ mà ní rǎrǐ Kàgàwà bhà ìngba.

3

Kàgàwà bhà inzo

¹ Ìgyò! Nyàndà pé ìngbà dhu bvùtí àzè nǐ màtí Àba Kàgàwà náazè àlě dhu. Kàrǐ àlě ànzǐ pbìndà inzo tí. Ní àlě ní obhó tí, kà bhà inzo. Wò dhu-okú dò rò, yàrǐ adzǐ nùni nzá àlě, ìnzá kǔni Kàgàwà nídhunǐ. ² Òdhídù, yà atdídò ma mózè nyǐ rò, kòmbǐ àlě ní Kàgàwà bhà inzo. Ndirò olùnǎ rò àlě kí'íya tí dhu nápè nzá ndàvǐ k pangba. Pbétù, àlě kùni dhu ní, Krístò rǐtsi ìngo nínganǐ, àlě kulíya àlě kà bhěyi, àlě kalaya ka yà ka nyú arí'ì dhu bhěyi nídhunǐ. ³ Ní, Krístò ndi ndalaya dhu nà'ù aɛ, nǎkǎ ndù'ò ndi ndàtírò ndilǎ Kàgàwà-nyìkpó ò, àdhàdhì Krístò ìlǎ kà-nyìkpó ò dhu bhěyi.

⁴ Ìndrù náapé nzéɛngà ònzǐ, ní ndi aɛ nífu nzá Kàgàwà bhà Úyatá. Obhó tí, nzéɛngà ní ìnzǐ ka kí

Kàgàwà bhà Ƴyátá nífũ dhu. ⁵ Ní nyĩ nyùnì wà dhu, Yèsù Krístò rira ndíni ndì ndu'ò tí ìndrũ tó nzÉrÉnga. Ndirò, kà-nyutsì nzÉrÉnga rĩ'ì mbă akèkpá mâtí. ⁶ Yèsù ò rádi ìngbàtí ílì ndì alɛ mà, náarí nzĩ nzÉrÉnga ònzì. Pbéttù ìngbàtí ílì ndì alɛ mà náapé àmbe nzÉrÉnga ònzì dǒ, ní ndì dhu ìtè dhu ní, ndì alɛ rála nzá Yèsù, ndirò kà rúni nzá ka.

⁷ Pbanĩnzó, àpé nyàbhũ atdí alɛ mà rùtră nyĩ. Obhónánga ònzì arí alɛ ní ndì nyú tírò obhónángatáɛ, àdhàdhì Yèsù Krístò ní obhónángatáɛ dhu bhèyi. ⁸ NzÉrÉnga ònzì arí alɛ ní Pfòmvo bhà alɛ, ndì Pfòmvo náapè ndònzì nzÉrÉnga dóna-kpa ò rò kóró dhu-tsí rĩ 'òpè òná kàsũmì ǒ dhu-okú dò rò. Ní Kàgàwà t'ídhunà níra ndíni ndì ndugolo tí pfòmvo bhà kasũ.

⁹ ìngbàtí ílì ndì alɛ mà Kàgàwà bhà ìngba tí rĩ'ì, ní rĩ nzĩ nzÉrÉnga ònzì, Kàgàwà bhà ɔtɛ rĩ'ì kà-afí ò itse bhèyi nídhunì. Ndirò, ndì alɛ rĩ nzĩ àdù àmbe nzÉrÉnga ònzì dǒ, Kàgàwà bhà ìngba tí ndì ndí'ì nídhunì. ¹⁰ Yà dhu bhèyi ní ndì ka kádù Kàgàwà bhà inzo mà Pfòmvo bhà inzo mà núnì: ìngbàtí ílì ndì alɛ mà, ìnzĩ arí obhónánga ònzì, ndirò ngătsi ní ìnzá ɔdhìnà nózè, ní nzĩ Kàgàwà bhà ìngba.

Dhu àkă ìndrũ ròzè ì nzínziya ǒ dhu

(Yùw 15.12-21; 1Yù 4.7-8,16-21)

¹¹ Obhó tí, kòni yà dóna-kpa ò rò nyĩ nyírì ɔtɛ: dhu àkă àlě ròzè àlě àlě nzínzi ǒ. ¹² Dhu àkă nzá àlě rònzi dhu Kàyinà bhèyi, ka ní'ì NzÉrÉ-alɛ-akpà bhà alɛ, ndirò kăhò adónà. Ádhu kăhò ka okúna dò rò? Kăhò ka okúna dò rò dhu ní, kàbhà kasũ ní'ì nzÉrÉ, pbéttù kà t'ádónà bhà tsí ràdù ì'ì mbèyi.

¹³ Adódù, àpé nyàbhũ idho rùkò nyĩ yà adzi ǒ alɛ rĩ nyòndrò rò. ¹⁴ Àlě nyú àlě kùnì wà dhu iwà àlě rùvò ɔvɛ

ò rò, àě rùdà ípìrǒnga ò, àě t'ádóna àě kóze nídhunǎ. Obhó tí, ìnzà ɔdhína nóze ale nádi àdì ɔve ǒ. ¹⁵ Adóna nóndrò ìngbàtí íli ndi ale mà ní abvo òkye arí ale. Ndirò nyí nyùni wà dhu, abvo òkye arí ìngbàtí íli ndi ale mà, ní rárǎi mbă dhòdhódhóngá tó ípìrǒnga nà nyùnatsi. ¹⁶ Yàrí ní ndi àě kùni àze róná otu; Yèsù Krístò adzi pbìndà ípìrǒnga àě-okú dò rò. Ní àě mà átò, àě kàkă àě ràdzi àě tó ípìrǒnga àě t'ádóna-okú dò rò. ¹⁷ Ìngbàtí íli ndi ale mà náapé ǎi yà adzi ǒ ongyéngá nà, ndàdù adóna nála mùhetù ǒ rí ró, pbétù ndàdù ɔtsùna ùtsi ìnzǎ ndònzǎ ndi ɔdhìna dzùna, ní ndi ale ràdù àtina ìngbà dhu bhèyi, iwà ndi róze Kàgàwà? ¹⁸ Pbanǎnzó, àpé kǎi àze nà àě-òtǎ ǒ tí, ndirò àě-ida dǒ tí. Pbetù, àě kàkă àě rìtè àze àě kàsù ǒ, ndirò obhóngá dǒ.

Kàgàwà-nyùtsi ka kóko dhu núni ka kádù róná dhu

¹⁹ Wò dhu-otu ǒ ní ndi, àě kádù obhóngatále tí àě kíi dhu núni, ndirò àě-afí ràdù ndòpè Kàgàwà-ònzǎ. ²⁰ Obhó tí, àě-afí apé àě òbhù, ní àě kùni wà dhu Kàgàwà bhà Ádrùngbǎnga ròsè wà àě-afí tó ádrùngbǎnga dònǎ, ndirò kà rùni wà kóró dhu. ²¹ ɔdhídù, yà atdíǒ ma móze nyí rò, ìnzǎ àě-afí náapé àě òbhù, ní àě kí mbă àdù ǎi ɔdò nà Kàgàwà-ònzǎ. ²² Ndirò, ìngbàtí íli ndi dhu mà kà-fó àě kònzì, nába àě kádù àbà, kabhà ɣyátá àě kifù, àě ràdù kà-nyìkpó nòfò dhu ònzǎ dhu-okú dò rò. ²³ Ndirò, kànǎ kabhà ɣyátá: Dhu àkă àě rà'ù kà t'ídhùnà Yèsù Krístò-ɔvò, àě ràdù àě òze àě nzínzi ǒ, àdhàdhì ndi Krístò nùɣyá ka àě tò dhu bhèyi. ²⁴ Kàgàwà bhà ɣyátá nífù rí ale ní rǎi Kàgàwà-nyùtsi, ndirò Kàgàwà rǎi ndi ale-nyùtsi átò. Ndirò, kànǎ àě kádù Kàgàwà rǎi àě-nyùtsi dhu ùni róná dhu: kíbho pbìndà ìlǎ-Alafí àě tò.

4

Kàgàwà bhà Alafí mà Krístò bhà òmvũ bhà alɛ-afí mànà núnì ka kádù róná dhu

(Tòr 13.1-4; Yùw 2.18-25; 2Yù 7-11)

¹ Òdhídù, yà atdídö ma mózè nyǎ rò, nyǎ nyàkă nzá nyǎ'ù Kàgàwà bhà Alafí rǎ'ì nyunatsi dhu tí rí ndàti ìngbàtí ìlì ndì alɛ mà rǎnɔna dhu. Pbéttù, dhu àkă pé nyǎndà ì alɛ rǎnɔna dhu-ònga mběyi, ndínǎ nyǎ nyunì tí ìnè Kàgàwà bhà Alafí rǎ'ì abádhí-nyutsi dhu. Obhó tí, títò tó pbànábí núnýà wà ì ibí nyú yà adzi ö. ² Ní, kànǎ nyǎ nyádù Kàgàwà bhà ìlǎlǎ-Alafí núnì róná dhu: ìngbàtí ìlì ndì alɛ yà k pangba rí dhu òvò, ndàti Yèsù Krístò rírá yà adzi ö alɛ-ngbò tó ófò ö, ní Kàgàwà bhà Alafí rǎ nyunatsi alɛ. ³ Ìngbàtí ìlì ndì alɛ mà yà ìnzá Yèsù núnì, rǎ'ì mbá Kàgàwà bhà Alafí nà nyunatsi, pbéttù kà-nyutsi rǎ'ì ní Krístò bhà òmvũ bhà alɛ-afí. Nyǎ nyǎrì dhu Krístò bhà òmvũ rǎrǎ ìrà. Ní kònnǎ, kòmbí kírà wà àhɛ yà adzi dö.

⁴ Pbanǎnzó, nyǎ ní Kàgàwà bhà alɛ, ndirò nyǎ nyónzì wà títò tó pbànábí lè mà. Obhó tí, nyukutsi rǎ'ì Kàgàwà bhà Alafí bhà ádrùngbǎnga tó òbì nòsè wà yà adzi ö rǎ'ì Krístò bhà òmvũ bhà ádrùngbǎnga tó òbì dònǎ. ⁵ Títò tó pbànábí ní yà adzi ö alɛ. Abádhí náaróte yà adzi ö alɛ bhěyi, yà adzi ö alɛ ràdù tsù yá dhu ìrì. ⁶ Pbéttù àlě nyú, àlě ní Kàgàwà bhà alɛ. Ní, iwà Kàgàwà núnì alɛ rǎ àlě-tsù dhu ìrì ìrì. Ndirò, ìnzǎ ní Kàgàwà bhà alɛ rǎ nǎ àlě-tsù dhu ìrì. Wò dhu rǎ ní ndì, àlě kádù obhóngà tó Alafí mà, títò tó alɛ-afí mànà núnì nǎ.

Kàgàwà itè pbìndà àzè ìndrù tò tí dhu
(Yùw 3.16-17; Ròm 5.5-8; 1Yù 3.11-24)

⁷ Ɔdhídù, yà atdídǒ ma mózè nyǎ rò, kòzè àlě àlě nzínzi ǒ, àzè ní Kàgàwà bhà dhu nídhunǎ. Ndirò, ìngbatí ìlì ndì ale mà, yà ìndrù nózè ní Kàgàwà bhà ìngba, ndirò kùni wà Kàgàwà. ⁸ Ìnzá ìndrù nózè ale nùni nzá Kàgàwà, Kàgàwà ní àzètále nídhunǎ. ⁹ Kànǎ Kàgàwà níitè p̀b̀ìndà àzè àlě tò tí dhu: kívi atdí tí arí'ì Idhùnà rìrà yà adzi ǒ, ndínǎ àlě kabá tí ípìrǒnga otùna ǒ. ¹⁰ Yàrí ní ndì àzè tí ka kátina dhu: ìnzǎ ní àlě'ì ndì àlě kazè Kàgàwà wemberè tí, p̀b̀étù, ka ní ndì àlě nazè. Kívi Idhùnà rìrà òvè perè tí àlě-okú dò rò, ndínǎ ndì ndubà tí àlě tó nzérènga otùna ǒ.

¹¹ Ɔdhídù yà atdídǒ ma mózè nyǎ rò, dhu apé ì'ì wò dhu bhèyi Kàgàwà náazè àlě dhu tí, ní dhu àkǎ àlě ròzè àlě átò àlě nzínzi ǒ. ¹² Atdí ale mà nápè nzá Kàgàwà-nyìkpa àlǎ. P̀b̀étù, àlě kapé àlě òzè àlě nzínzi ǒ, ní Kàgàwà rǎ'ì ìnè àlě-nyutsì, ndirò àlě Kòzè nǎ àzè návi wà ndì àkǎkǎ dhu bhèyi àlě-nyutsì.

¹³ Kànǎ àlě kádù Kàgàwà-nyutsì àlě kòkò dhu, ndirò Kàgàwà rǎ'ì àlě-nyutsì dhu nùni ròná dhu: Kìbhò p̀b̀ìndà ìlǎ-Alafí àlě tò. ¹⁴ Ndirò àlě nyú àlě kála wà dhu, àlě ràdù ì'ì fìndá ngàm̀b̀ì tí: Àba Kàgàwà ìvi Idhùnà rìrà yà adzi ǒ ale tó Ɔgùba tí. ¹⁵ Ndi ale apé Yèsù ùnǎ Kàgàwà t'ìdhùnà tí, ní Kàgàwà rǎ'ì ìnè ndì ale-nyutsì, ndirò ndì ale rǎ'ì ìnè Kàgàwà-nyutsì. ¹⁶ Ndirò, àlě nyú àlě kùni wà, ndirò àlě kà'ù wà Kàgàwà ózè àlě dhu. Kàgàwà ní àzètále. Àzè nà arí'ì ale rǎ'ì Kàgàwà-nyutsì, ndirò Kàgàwà rǎ'ì ndì ale-nyutsì. ¹⁷ Kàgàwà àlě kózè atdídǒ dhu ìtè rí dhu ní, Kàgàwà rǎ'ì ìndrù-ànyǎ ìtdì nínganí, àlě kí'ìya ìmbǎ Ɔdò nà, àlě tó ípìrǒnga yà adzi ǒ nófò ndì Yèsù ì'ì nà yà adzi dǒ ípìrǒnga nà nídhunǎ. ¹⁸ Àzè nà ale ò Ɔdò arí'ì ìmbǎ. Ndirò, àkǎkǎ àzè náarí Ɔdò ìtò ale-afí ò rò. Obhó tí, anya

òdo rí dòná ka kotdí tí ale, náarí odo ònzi. Ndirò, odo ònzi rí ale-afí ò àzè nápè nzá àkǎ bhùna ò. ¹⁹ Ní, àlě nyú àlě kíí àzè nà Kàgàwà náazè àlě'i wemberè tí dhu-okú dò rò. ²⁰ Atdí ale mà náapé àtina: «Ma mózè Kàgàwà», ndàdù adòna nónrò, ní ndi ale ní tìtò-ba. Obhó tí, inzá yà nyìkpóna nyú ò ndì ndálàna adòna nózè ale rí nǎ àdù yà inǎ ndì ndálàna Kàgàwà nózè. ²¹ Ndirò, yàrí ní ndi Krístò ubhà àlě tò uyátá: «Kàgàwà nózè ale nákǎ wà ndòzè adòna átò.»

5

A'uta ní ndi yà adzi lèma ònzi ka kádù òná otu
(Yùw 1.29-34; 3.36; 20.31; 2Yù 5-6)

¹ Ìngbàtí íli ndi ale mà, Yèsù ná'ù Krístò tí, ní Kàgàwà bhà ingba. Ndirò, ìngbàtí íli ndi ale mà, inzo t'ábanà nózè, nózè wà kà bhà inzo átò. ² Kànǎ àlě kádù Kàgàwà bhà inzo àlě kózè dhu núnì ròná dhu. † dhu ní: Kàgàwà òzè àlě kí dhu mà, Kàbhà Uyátá nífǎ àlě kí dhu mà. ³ Obhó tí, kànǎ Kàgàwà ka kòzè dhu ìtè rí dhu. Ndi dhu ní: Kàbhà Uyátá ífǎ ka kí dhu. Ndirò, i Kàbhà Uyátá rǎ mbà itǎ, ⁴ Kàgàwà bhà inzo kóró nónzi wà yà adzi lèma dhu-okú dò rò. Ndirò, kànǎ àlě kádù yà adzi lèma nónzi òná otu. Ndi otu ní àlě tó a'uta. ⁵ Adhi pbá ale yà adzi lèma nónzi rádù? Ndi ale ní Yèsù ná'ù Kàgàwà t'ídhùnà tí ale kèlě.

Yèsù Krístò ìtè rí Kàgàwà t'ídhùnà tí dhu

⁶ Yèsù Krístò ní ndi idha mà azu màna nà ìra ale. Kǎra nzá idha-ví kèlě nà, pbétù kǎra idha nà azu màna. Kàgàwà bhà ìlǎ-Alafí ní ndi dhu tó ngàmbi, ndi ìlǎ-Alafí ní obhóna dhu-okú dò rò. ⁷ Yèsù ìtè rí Kàgàwà

t'Ídhùnà tí dhu rǐ̀ ìbhù. † dhu ní: ⁸ Kàgàwà bhà ìlǐlǎ-Alafí mà, idha mà, azu mànà. Ní, kóró ì dhu rǐ̀ atdí dhu kèlě nũ̀no.

⁹ Ìndrũ̀ òkò fíndá ngàmbì tí atdí dhu ná'u àlě karí à'u tí. Pbétù, Kàgàwà rǎdi atdí dhu tó ngàmbì tí dhu rǐ̀ òbì nà atdíđ. Obhó tí, kànǐ Kàgàwà nũ̀no dhu. Ndi dhu ní Idhùnà-okú dò rò kũ̀no dhu. ¹⁰ Ndi Kàgàwà t'Ídhùnà nà'u aɛ, nũ̀ni wà Kàgàwà nũ̀no dhu obhó dhu tí afina ò. Pbétù, ìnzá ka ná'u aɛ nábhu wà Kàgàwà ròngò títò-ba tí, ìnzá kǎ'ù Kàgàwà nũ̀no Idhùnà-okú dò rò dhu nídhunǐ. ¹¹ Ndirò, yàrí ní ndi Kàgàwà rǐ̀ fíndá ngàmbì tí dhu: kíbho dhòdhóhóngà tó ípìrǒngà àlě tò, ndirò àlě kábà ndi ípìrǒngà kà t'Ídhùnà-otù ò. ¹² Kàgàwà t'Ídhùnà nà rǐ̀ afina ò aɛ, nábà wà ípìrǒngà. Ndirò, ìmbǎ rǐ̀ Kà nà afina ò aɛ, ní rǐ̀ mbǎ ípìrǒngà nà.

Dhòdhóhóngà tó ípìrǒngà

(Mrk 11.24; Yùw 15.7; 1Yù 3.6-9)

¹³ Nyǐ, yà Kàgàwà t'Ídhùnà nyǐ nyá'ù rò, ma màndí yàrí bhàruwà fũ̀kù ndínǐ nyǐ nyuni tí dhu ìnè nyǐ rǎrǐ̀ dhòdhóhóngà tó ípìrǒngà nà. ¹⁴ Ndirò, kànǐ Kàgàwà-nyutsi àlě kí'ì nà a'uta: àlě kapé dhu ònzi kà-fó Àbadhi-afí nyú nózè dhu bhěyi, ní kà rǎdù àlě-tsù dhu níri ìri. ¹⁵ Àlě kũ̀ni dhu kà rǎrǐ̀ àlě-tsù dhu níri dhu-okú dò rò, àlě kũ̀ni wà dhu átò, kà-fó àlě kònzì dhu rò, àlě rǎbà wà ndi dhu.

¹⁶ Atdí aɛ náapé odhìnà àlǎ nzéɛngà ònzi rǐ̀ ró, ndi nzéɛngà rǎdù ì'ì ìnzǐ rǐ̀ ìndrũ̀ ùnda ɔve ò, ní ndi aɛ àkǎ ndìtsò ndi ndi odhìnà dǎ. Ní, Kàgàwà rǎdù ípìrǒngà nábhu wò ìnzǐ rǐ̀ ìndrũ̀ ùnda ɔve ò nzéɛngà ònzi rǐ̀ aɛ tò. Pbétù, ɔve ìbho rǐ̀ nzéɛngà-tidò rǐ̀ ìnè, ní ma màti nzá ka rìtsò aɛ ndi tinàdo ònzi rǐ̀ aɛ dǎ. ¹⁷ Nzéɛ

ka kónzina kóró dhu ní nzéřenga. Pbétù, ìnzǐ rí ìndrũ ùnda ɔve ò nzéřenga rǐrǐ ìnè.

¹⁸ Àě kùni wà dhu, Kàgàwà bhà inzo rarí nzǐ nzéřenga ònzi. Pbétù, Kàgàwà t'Ídhùnà náarí ndi abádhí-ngbò òdo, ìnzǐ Nzéře ale ràdù ngbǒya ùpbala. ¹⁹ Àě kùni wà dhu, àě rǐrǐ Kàgàwà bhà ale, ndirò yà adzi ǒ kóró ngari ní rǐrǐ Nzéře ale bhà ɔbi-tsìnǎ. ²⁰ Pbétù, àě kùni wà dhu, iwà Kàgàwà t'Ídhùnà rírà, ndàdù ìnga t'únita níbhò àě tò, ndínǐ àě kùni tí Kàgàwà nyú. Ní, àě kùngbò wà àě ndi Kàgàwà nyú nà kà t'Ídhùnà Yěsù Krístò-otù ǒ. Ndi Yěsù ní Kàgàwà nyú, ndirò Ka ní dhòdhóhóngà tó ípìrǒnga. ²¹ Nírò pbànǐnzó, nyòdo nyǐ mběyi nyǐ-tírò sànamù rǒ rò.

Ungbòta-ጋwá Tá Bhǔkù

Ndrǔna: Ungbòta-ጋwá Tá Bhǔkù New Testament

copyright © 2015 Wycliffe Bible Translators, Inc.

Language: Ndrǔna (Ngiti)

Contributor: Wycliffe Bible Translators, Inc.

All rights reserved.

2020-11-19

PDF generated using Haiola and XeLaTeX on 30 Dec 2021 from source files dated 30 Nov 2021

abb6c630-aaf1-5647-8172-605215e8fe12